

**JAVNA USTANOVA ZAVOD ZA MEDICINU RADA
KANTONA SARAJEVO**

Na osnovu člana 35. i 36. Statuta Javne ustanove Zavod za medicinu rada Kantona Sarajevo („Službene novine Kantona Sarajevo“, broj: 45/13 i 47/13), člana 6. Pravilnika o radu, unutrašnjoj organizaciji, sistematizaciji radnih mjesta i plaćama radnika Zavoda, broj: 02-374/18 od 19.04.2018. godine, Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj: 9/19 i 21/19), saglasnosti Ministarstva zdravstva Kantona Sarajevo, broj: 10-34-20179/19 od 03.06.2019. godine, raspisuje:

**JAVNI OGLAS
za prijem u radni odnos na određeno vrijeme**

Javna ustanova Zavod za medicinu rada Kantona Sarajevo, raspisuje oglas za prijem u radni odnos na određeno vrijeme do 1 (jedne) godine, za sljedeću poziciju:

1. Specijalista neuropsihijatar - konsultant - 1 (jedan) izvršioc

I

Opis radnog mjesta:

1. Specijalista neuropsihijatar - konsultant

Opis poslova i zadataka:

- obavlja poslove ljekara specijaliste - konsultanta u timskom radu, pri obavljanju svih vrsta preventivnih pregleda,
- vrši konsultativno-specijalističke preglede pacijenata kod kojih postoji sumnja na profesionalno oboljenje, ili je takvo oboljenje već utvrđeno,
- učestvuje u liječenju oboljelih, te predlaže potrebnu terapiju,
- vodi propisanu medicinsku dokumentaciju i evidenciju,
- obavlja preglede po zahtjevu ordinirajućeg ljekara,
- za svoj rad odgovora neposredno odgovornom ljekaru ili direktoru.

II

Kandidati su dužni da ispunjavaju sljedeće uslove:

- da je državljanin BiH,
- da ima opću zdravstvenu sposobnost za navedenu poziciju,
- da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti.

III

Kandidat, pored uslova iz tačke II ovog oglasa, treba da ispunjava i posebne uslove:

- završen medicinski fakultet i specijalizacija iz neuropsihijatrije,
- da ima najmanje 1 godinu radnog iskustva u struci nakon završene specijalizacije.

IV

Uz svojeručno potpisanu prijavu na Oglas, kandidati su dužni priložiti kraću biografiju i dokaze o ispunjavanju općih i posebnih uslova (original ili ovjerene kopije);

- uvjerenje o državljanstvu (ne starije od 6 mjeseci),
- izvod iz matične knjige rođenih,
- lječarsko uvjerenje o zdravstvenoj sposobnosti (napomena: ovaj dokaz će dostaviti kandidat koji bude izabran),
- potpisana izjava kandidata i ovjerena od strane nadležnog organa, da mu nije izrečena zaštitna mjera zabrane vršenja poziva, djelatnosti,
- diploma o završenom školovanju,
- uvjerenje o položenom stručnom ispitu,
- potvrda o radnom stažu.

Prioritet u zapošljavanju imaju lica utvrđena u članu 23. Zakona o dopunskim pravima boraca-branitelja BiH („Sl.novine Kantona Sarajevo“, br.45/12, 26/14 i 46/17) - potrebna potvrda ili uvjerenje kao dokaz o istom.

Prijava sa potrebnom dokumentacijom dostavlja se lično ili preporučenom pošiljkom, sa naznakom „**Prijava na Javni oglas za prijem u radni odnos na određeno vrijeme**“.

Prijave se dostavljaju na adresu: **JU Zavod za medicinu rada Kantona Sarajevo, Bulevar Meše Selimovića broj 2, Sarajevo, do 15.07.2019. godine.**

Prijave podnose nakon isteka roka, odnosno bez potpune tražene dokumentacije, neće se uzeti u razmatranje.

Kandidati koji budu ispunjavali tražene uslove biće pozvani na razgovor, o čemu će biti blagovremeno obaviješteni. Sa kandidatima će se obaviti pismeni i usmeni dio ispita.

Obavezno na koverti naznačiti poziciju na koju se prijavljuje.

Na osnovu člana 8. stav 7. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj: 9/19 i 21/19), Komisija JU Zavod za medicinu rada Kantona Sarajevo imenovana Odlukom broj: 01-662/19 od 19.06.2019.god., donosi

POSLOVNIK

o radu Komisije za izbor kandidata za radno mjesto specijalista neuropsihijatar - konsultant

I OPŠTE ODREDBE

Član 1. **(Predmet)**

Ovim Poslovníkom uređuje se način rada i odlučivanja Komisije za izbor kandidata za radno mjesto specijalista neuropsihijatar - konsultant u JU Zavod za medicinu rada Kantona Sarajevo.

Član 2. **(Načela)**

Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.

Član 3. **(Propisi)**

Komisija provodi postupak izbora kandidata za radno mjesto specijalista neuropsihijatar - konsultantu skladu sa odredbama Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općina, te u privrednim društvima u kojima kanton, grad ili općina učestvuju sa više od 50% ukupnog kapitala.

Član 4. **(Supervizor)**

Supervizor je fizičko lice imenovano od strane Ureda za borbu protiv korupcije i upravljanje kvalitetom Kantona Sarajevo i nadležan je za sljedeće:

- a) da prati pravilnu primjenu odredbi Uredbe prilikom raspisivanja javnog oglasa;
- b) da nadzire rad Komisije, na način da prati rad Komisije od njenog imenovanja, da bude prisutan prilikom otvaranja pristiglih prijava na Javni oglas;
- c) da vrši nadzor nad otvaranjem, pregledanjem i ocjenom pristiglih prijava na Javni oglas;
- d) da prati način pripreme ispitnih pitanja za pismeni dio ispita i njegovu neposrednu kontrolu (pismeni dio ispita);
- e) da može biti prisutan i nadzirati usmeni dio ispita (usmeni dio ispita);
- f) kao i druga pitanja propisana Uredbom i Poslovníkom o radu Komisije.

II KOMISIJA

Član 5. **(Sastav Komisije)**

Komisija za izbor je sastavljena od 3 (tri) člana, visoke stručne spreme.

Član 6. **(Način rada Komisije)**

Komisija radi u punom sastavu u provođenju pismenog i usmenog ispita. Sastanci Komisije će se održavati na zahtjev predsjednika Komisije. O svom radu Komisija vodi zapisnike, a isti potpisuju svi članovi Komisije.

Član 7. **(Zamjena)**

Ukoliko je predsjednik ili neki od članova Komisije privremeno, trajno ili u dužem vremenskom periodu spriječen da vrši svoju dužnost ili podnese ostavku na svoje članstvo u Komisiji, predsjednik ili jedan od članova Komisije odmah obavještava direktora, radi imenovanja novog člana na tu dužnost.

Član 8. **(Obaveza upoznavanja)**

Kandidati koji pristupe ispitu biće upoznati sa sastavom Komisije.

Član 9.

(Mjesto rada Komisije)

Komisija će provoditi postupak i zasjedati u Sarajevu u sjedištu JU Zavod za medicinu rada Kantona Sarajevo u ul. Bulevar Meše Selimovića br. 2.

III PREGLED PRIJAVA I NAČIN PROVJERE ZNANJA

Član 10.

(Pregled prijava)

Po isteku roka za podnošenje prijava na Javni oglas, Komisija pregleda sve pristigle prijave i dostavljene dokaze, utvrđuje njihovu blagovremenost i potpunost i sastavlja spisak kandidata među kojima se provodi izborni postupak. Spisak kandidata iz stava 1 ovog člana potpisuju svi članovi Komisije. Komisija pisanim putem obavještava kandidate, čija dokumentacija nije blagovremena i potpuna, da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti.

Član 11.

Kandidati čije su prijave blagovremene i koji ispunjavaju uslove Oglasa, ulaze u postupak izbora.

Član 12.

(Obavještenje)

Komisija je dužna kandidate koji su dostavili blagovremene, potpune i uredne prijave u pisanom obliku obavijestiti o mjestu i vremenu održavanja pismenog i usmenog ispita, te da će kandidati koji ne pristupe istom, izgubiti pravo daljeg učešća u oglasnoj proceduri.

Za kandidate će se održati pismena i usmena provjera znanja iz opisa njihovog radnog mjesta.

Član 13.

(Pismeni ispit)

Pismeni ispit priprema Komisija za izbor, koji se pohranjuju u zatvorene i zapečaćene kovertе.

Pismeni ispit vrši se kroz pisani test, koji ima 10 pitanja iz oblasti opće neuropsihijatrije i ocjene radne sposobnosti iz oblasti nps, za koje je ponuđeno više odgovora od kojih je samo jedan tačan.

Za svaki tačan odgovor na pismenom testu kandidat dobiva po tri boda.

Pismeni ispit provjere znanja traje 30 minuta, te vrjednovanje najmanje 60% od ukupnog broja bodova.

Član 14.

(Usmeni ispit)

Komisija obavlja usmeni ispit sa svakim kandidatom pojedinačno u vremenskom trajanju do 10 minuta. Komisija radi po principu da svaki član Komisije postavi po jedno pitanje iz oblasti za radno mjesto za koje je kandidat konkurisao.

Svaki član Komisije za usmeni ispit ocjenjuje kandidata ocjenom od 1 do 5.

Član 15.

(Rezultati i konačna ocjena)

Konačna ocjena se dobije kada se saberu bodovi kandidata ostvareni na pismenom ispitu i usmenom ispitu, a koja je osnov za sastavljanje liste uspješnih kandidata sa bodovima.

Član 16.

(Lista kandidata)

Komisija je dužna Listu uspješnih kandidata sa bodovima dostaviti direktoru u roku od tri radna dana nakon obavljenog usmenog ispita.

Svaki kandidat shodno odredbama Zakona o slobodi pristupa informacijama ima pravo ostvariti uvid u svoj personalni dosije.

Član 17.

(obavještenje kandidatima i pravo prigovora)

Komisija je dužna pismeno obavijestiti kandidate o odluci o prijemu u radni odnos u roku od pet dana od dana donošenja odluke.

Na obavijest Komisije o prijemu u radni odnos, zainteresirani kandidat ima pravo prigovora u roku od 8 dana.

IV PRELAZNE I ZAVRŠNE ODREDBE

Član 18.

(Izmjena i dopuna Poslovnika)

Izmjena i dopuna Poslovnika vršit će se na način i po postupku za njegovo donošenje.

Član 19.
(Stupanje na snagu)

Ovaj Poslovnik stupa na snagu danom donošenja, a primjenjivat će se do završetka procedure izbora kandidata i potpisivanja ugovora o radu sa izabranim kandidatom.

ČLANOVI KOMISIJE:

PREDSJEDNIK KOMISIJE

Dostaviti:

- direktoru Zavoda,
- imenovanom supervizoru.

Broj: 662-1/19

Datum: 03.07.2019.god.